

秦
川
焚
餘
草

秦川焚餘草卷五

閩縣董平章琴虞撰

讀陶靖節集

楊李蔣丹崖
氏薰輯評

束髮事吟詠耳熟淵明詩欲觀乏善本今茲假得之泛
覽復細咀心開神忘疲想其落筆時無一語求奇見超
意自遠外槁中實滋爲寶玉棲璞在春花孕枝至今行
墨內真氣彌不虧能令讀者心孤往游希夷掩卷歎吾
老得師良已遲

讀陶集始春懷古田舍詩有感卽次元韻二首

宦成歸敝廬夙願匪難踐嗟我縱無家有懷終未免和
陶古田舍高詠髯蘇緬安得朱陳村俗龐政多善二頃
負郭斜三椽違市遠秋深秔稻登日暮牛羊返此景繫
我思微吟愧語淺

有田可代祿有舍可安貧堂構望兒肯耘耔課僕勤早
辦入官稅免來催租人雖嗟園隔故且喜居謀新無心
雲不出有託鳥亦欣何必桃花源迢遞勞問津乘興山
水窟結歡漁樵鄰此鄉足肥遯長歌懷天民

讀蘇文忠和陶詩

陶令去彭澤脫身樊籠初坡公謫僭耳息影憂患餘一
志在報韓一情同放虞一暫迷卽返一屢蹶而趨一辭
蓮社列一喜桑門俱一子愚嘗責一兒佳可譽出處暨
心迹凡百無一如卽令以詩論亦復分道驅一氣渾以
穆一才華且腴蘇而云和陶毋乃判越胡抑知昔賢意
形骸豈所拘歸田與過海境遇亦焉符得趣匪在酒索
解欲無書契深語非淺貌異神不殊絢爛造平淡髯不
自云乎一言以蔽之陶蘇不枝梧

杜句陶謝
不枝梧

索居

三椽築就萬緣疏請息交游賦索居滿眼橫流誰作楫
委身窮巷幾停車懶求世外長生藥補讀人間未見書
別有遙情寄天末故山儔侶足樵漁

雨步歸經州驛後門失足跌傷左腕兩月不出戲

成四律自嘲

八月十七日

雨餘泥滑步難前蹉跌非關臂力愆肘後久虛金印願
腳跟卻證石頭禪入叉手敏吟都廢三折肱奇術孰傳
酖酢起居渾不適百骸苦被一肢牽

肢體原同戒毀傷者番儼下子春堂手輪畢卓持螯便

肘學莊周夢柳妨捧日擎天空自許翻雲覆雨竟何常
聞君願學鈔胥脫詩讖於今語恰償

何曾作勢擬推敲不道災占无妄爻土木忘形聊任達
泥塗失足自貽嘲時聞卹患來賓友祇欠扶傷載酒肴
我比杜陵未岑寂人生隨地有窮交

世途早歎歷崎嶇一蹶還懲捷徑趨漫羨麾旄兼仗鉞
自憐讀史礙披圖藥鑪透骨煎香草

白鳳仙花別名透骨艸煎湯以浴良

藜榻齋心兀朽株贏得掩關三月坐未能合十且跏趺

秋興

蕭序景光徂澄秋物態殊鳴蛩隨地有征雁入雲無問
訊睽松菊凋零對柳蒲不勝遲暮意短詠愧吳歆

聞鄒友三茂才書室菊花盛開以傷腕不能往看

感歎之餘輒形歌詠

憶昨秋登秋士堂秋英滿院簇寒香尋常家有談天學
咫尺人無縮地方自笑持螯虛左手空嗟聞雁鬱迴腸
明年重九城西路載酒攜筇願合償

感秋吟

萼收遠馭虞淵轡長天一雁呼秋至林楓易醉樂天心

叢菊重開杜陵淚銀牀昨夜梧葉飛遠道王孫猶未歸
廢壘九邊吹曉角疏砧千戶搗寒衣此時動地秋風厲
十日蒙陰一日霽青女威多瓦有棱白駒景短繩難繫
短日流黃匹不成鳴梭思婦恨空盈試聽促織啁啾語
似答停機歎息聲更有估人鄉思切聞蟬漫把歸期說
吳頭楚尾七夕情馬背船舻重九節防秋見說胡馬肥
幕府軍書火速馳大纛捲霜晨度磧短笳咽月夜登陴
劇憐騷客狀明瑟書劍飄零存彩筆漢陽宅畔起悲風
夔府城頭餘落日蒲零柳敗得氣偏蟀悲蛩苦感機先

況人質匪金石堅豈柰煩憂相迫煎不如埋照逃窮邊
但鋤百畝受一廛委心乘化全其天休摹歐子秋聲賦
且衍莊生秋水篇

哭朱介石觀察

廣東漢軍
丙申進士

西望輪臺得訃遲寢門一慟有餘悲病淹絕域地難縮
死到斯人天可知百里豈能羈驥足

先部選文縣令調
任昌吉升迪化牧

千金爭慕市斑騅

一故人工筆札君以歲東千金招之
出關其人因得由流外游保升縣令

歸且大奮
于功名

銘碑誰表林宗德不遺中郎有愧辭

一肩行李一奚奴心迹雙清到玉壺民有莠良皆子愛

官無眷屬似僧孤

君之官十餘年僅從一奴

道塗插竹爭迎寇鄉里

名桐恰戀朱聞說估人能報德代完虧帑萬金釀

有規奪君

缺者誣以虧帑將挂彈章迪化諸商倡為集腋之舉不數日即如數全輸道庫遂得還我使君

試將出處綜生平儒行吏師誰抗衡奇字傳經如雨化

回文度曲劇風情

捷南宮後歸里授徒喜填詞所製回文菩薩蠻一體尤多

眼光肯

為觀民短

目短視特甚

心計偏於體

國精翠羽繡衣邊寄

失

以捐廉助餉優敘道員並賞戴花翎會權迪鎮道篆

但看丹旄返羊城

贈言臨別勝砭鍼宦海論交契獨深一著弈爭先後手

百篇詩和短長吟

余在皋蘭為吟社君多預常賭弈恆讓一先出關之前所以相傲有非他

人所肯言者至
今愧我良友云

玉關空望君生入隴阪仍憐我滯涇孤

負昔年游覽約浙西鞞鼓倍驚心

曾約宦成之日同行至浙游西湖數月分

道歸里今君卽在詎能踐此諾耶噫

閱邸抄驚諭何杰夫中丞薨於黔撫之位率吟二

律以代大招

外臺星忽隕邊陲黔地民苗失撫綏啓手遙憐鈴閣夕

攀髯近及鼎湖期

時文宗顯皇帝方上賓

十年戎馬猷何壯半壁

西南力苦支遠道緘書申燕賀竟將吉語抵哀詞

近寄鄭秀

峯刺史帶去一緘計不及達

夔龍位望鳳麟儀餘事工書藝苑師拔萃早邀耆宿賞

乙酉選拔沈鼎甫

臚傳特被

聖人知

丙申對策宣廟由第八移置

第二蒼黃開府真殊遇

由貴東道超擢巡撫

清白承家有好兒索嶺

盤江氛未掃哭君豈獨爲交私

讀史偶筆

守經何似且從權傳子誰能更與賢負展嗣君方出日

垂簾聖母共瞻天中興政況元公輔大賚恩還薄海宣

試把史評稽趙宋女中堯舜祚長延

寄題易升菴太守萍蹤圖玉照

威鳳與祥麟亭亭玉立身百爲徵藻繪一笑話萍因聞

畫百二十冊每幅自鴻雪蹤都舊狼烽警又新宦成歸

題贅語可代年譜
未得異地且商鄰

小步後院見桃杏盛開感賦

閉關孤負好韶光小院何來觸鼻香桃杏競爭春曉放
蝶蜂羣趁午晴忙上林燕罷空前事流水魚肥正故鄉
忽憶辭官未歸去戰塵漲地誤耕桑

郭遠堂觀察余膠漆友也哲嗣式昌己未登賢書

雖已致幣申賀暇日復託謳吟冀郵贈以博故

人一祭

與君束髮爲朋友，顧我忘形儼弟兄。宦轍後先向西隴，

鄉心日夜赴東瀛。廿年迹羨蓬門隱，

早由給諫任甘涼道以庫案呈誤歸

主玉屏麓峯講席屢薦不起

一舉名欣梓舍成，迴憶授經京邸歲家

駒頭角早崢嶸，

在都同寓七載

太邱自昔饒賢嗣，有道于今足好兒。入室難兄並難弟，

過庭聞禮復聞詩，

幼子未冠聞已游岸

八龍昆季先聲樹，

君一兄三弟皆

己登科

五馬郎君繼起基，

式昌已得保知府

我獨抱慚豚犬劣，通

家他日遜權奇。

舒魯一銀臺郎囑題趙雪堂指畫騎驢圖卽五次

自跋元韻以應

畫苑羣驚觸手春丹崖紅樹墨痕新須知策蹇尋詩樂

不到聞鶯待漏人

君由三原令內擢通政司知事卽浩然乞歸

白雲蒼狗世情新宦海迴帆信福人馬背爭如驢背穩

吟鞭歸拂故山春

我亦名場勇退人巴歌慚愧續陽春讀君廿八珠璣字

畫境詩情兩覺新

鍾湘泉同年客秋授讀秦署得奉清光竊歎爲古

道君子頃服闋旋省需次率贈二律聊志欽遲
之意云

元常品粹比璠璣執手秦川慰索居絳帳漫留三月住
素冠早報再朞除此行赤縣身須到便撫黎民氣漸舒
吏事本資經術飾政成好寄故人書

客中送客倍魂銷莫縮離情怨柳條三十年聯蘭譜舊
七千里共梓鄉遙干戈滿眼歸何計簿領抽身隱可招
爲語買山錢早辦遲君卜築侶漁樵

夏夜感懷次劉長卿餘干旅舍張籍宿江上館二

詩韻

長夏吟情減
衰年鬢影稀
階空隨月步
夜靜見螢飛
旅況大相似
詩人俱未歸
劉張推作者
敢妄附傳衣

憶淮南

苦憶淮南路
舟行景物清
何時買歸棹
一聽水風聲
莫憶淮南路
年來困用兵
血風腥戰地
鬼火颭蕪城

炯甫家嗣伯偉上舍來秦就醫情話旬日恍返故

林於其歸也賦此以贈

病臥劉公幹
才華綺歲雄
允稱名父子
饒有古人風
江

漢源何遠滄溟日正東
相期千里足騰達慰而翁
鄉語初傾耳羈愁欲上眉
增余豚犬恨愧爾鳳鸞姿
嶠廿年事秦州五月時
談深對卮酒別後繫相思

炎宵卽事

鳴蛙閣閣隔層城坐久銀河望轉明
小院宵闌涼似水花叢深處一螢行

日聞疊鼓禱甘霖失喜遙天起夕陰
莫道寓公身已退也同編戶望雲心

鄉人有述道經汀邵所見者感賦

黍禾見說化蒿萊有客新從故里來
河上逍遙寬失律田閒培克拙生財
遺民是處誰相問謀國無人劇可哀
日暮側身空四望清風負絕魯連臺

湟中方用兵征撒拉而西安回民又與漢人交鬭
撫事感時率成

花門留後滿西京積久猜嫌逼處生
心異原由非我族俗囂太不近人情
朝廷正朔猶慵奉間井光陰詎息
爭青海青門相繼動議勦議撫幾時平

儀鸞幼女以蘊輝長媳所作雞雛便面乞題漫成

五七言二絕

膠膠祝祝兩三雛覓食花陰啄綠蕪忽觸乃翁字民意
連飛上樹戒煩驅

羽毛渾自惜冠距未全成扇底春暉永依依傍母情

我石周丈八袞大慶詩以壽之

巋然東國仰靈光閱五朝身壽且康入世幾人曾八十
看君此日亦尋常鬚眉靜對清於畫腰腳羣驚老去強

舊飲南陽菊泉水雙瞳定卜百齡方

曾爲南
召宰

傳經早歲鯉庭趨懸榻才名與衆殊文有壽徵仁者靜

行惟直道古之愚

我石初
字古愚

木天視草偕簪筆棘院掄英

別濫竽況聽在陰鳴鶴和家聲繼振喜家駒

先憂念本切痾瘕香案無心戀舊班早報雙鳧飛汴水
旋聞五馬繞蘭山慈祥自兆高年健貞固能當劇職閒
壽世壽身原一致底須大藥駐童顏

憶昔金城捧袂時忘年交誼託深知栽花我謝司民牧
祭酒君推造士師和韻肇箋邀首肯尋春撰杖許肩隨
稱觥自笑詩才退紀實聊賡祝嘏辭

初秋早起

殘夢蛩呼醒
閒庭日與謀
淡雲遙漢在
清露拂晨流
夜氣存平旦
天容釀早秋
不緣推枕起
妙景賞奚由

悠然見南山樓歌

併引

劉質齋茂才竹林望族藝苑通才
居近南城屋臨窪地內視僅三楹
精舍無假登高外向儼百尺危樓
殊堪望遠俯欄前之叢葦綠成海
以初齊環城外之好山青作屏而
如揖爰摘陶公之句名厥樓而恰
宜更拈朱子之言顏其額以自警

警

有匾曰
洗心

春絃夏誦琴書之雅趣
彌長月夕風

晨山水之清音具足洵塵中之妙境恍物外之

奇逢

僕

早歲辭官他鄉作客詞耽月露癖痼煙

霞壬戌初秋偶與周我石太守朱益堂董午橋

廣文舒魯一銀臺郎同過焉推窗徙倚送落日

而眼界頓寬凭檻低徊數行雲而胸襟倍曠主

人索句三秋之清景堪收太守撚髭一夕而長

篇已就勉學邯鄲之步敢同梁甫之吟聊綴俚

言尾慚貂續併疏短引爪等鴻留云爾

我客秦川逾一紀怡情恨欠佳山水卜居況在城市中

百尺高樓無地起，竭來偶訪更生家。
到眼南山郭外斜，林麓送青列屏障。
葦阮分綠上窗紗，築室匠心矜獨創。
小屋如樓倚崖上，行來後院坦且平。
望去層城屹相向，隔城嵐黛殊靜深。
洗眼還教欲洗心，但敞窗櫺足憑眺。
不須梯橙便登臨，主人饒具清閒福。
架上詩書時自讀，雨餘態活入微吟。
雪後光寒共送目，城東茂叔老益豪。
叨陪杖履屢游遨，因約扶藜過啜茗。
更談就菊訂攜醪，我石詩促主人裁。
菊以便重陽載酒，勝游端合歌詩紀。
索題重愧東翁意，一宵客報五言成。
我石一夕成五言廿二韻百讀我思三舍避同

是名場老退身況兼孟氏接芳隣

魯一近
在東鄰

移家儻許宮

牆傍

西去卽
黉宮

也學登樓作賦人

初秋卽事

早傳草澤驅秦棧

川賊竄擾
漢中未退

又報花門逼隴頭右輔灾

黎紛鳥獸

同匪國政鳳翔
鄉民逃亡者衆

上邽勁旅駐貔貅

頃調河州
兵防堵清

水縣東
關山

此邦大覺民情渙當道高談武備修百雉金城

堅可守羈人枉抱杞天憂

讀杜老暇日小園詩意有所觸卽拈起二語爲發

端

不愛入州府畏人嫌我真偶拈杜陵句吟諷成笑瞋菲
躬秉先訓頗恥干要津當官尙自慎矧向平生親岐
梁橫蛇豕秦隴潛翼鱗余此客家室云胡不謀身亦思
借前箸拯彼耕桑民太白騰殺氣高秋漲戰塵戎軒每
猜忌肺腑焉敢陳時不異天寶休嗤無病呻

閨中秋月光如畫步檐久望因懷趙小山大令

時帶

兵駐關山防
堵鳳隴逆回

今夜關山月征夫倚劒看干戈方汗漫家室幾團樂秋
老蟾逾潔天寒鵲未安濟時思趙子投筆豈羸官

身肩忠孝任謝政請長纓陟岵殷歸省勤王奮遠征筆

刀鋒莫敵盾墨檄初成借得吳剛斧妖墓翳掃清鳳翔君居

東關被賊焚燬封翁移居城中
故辭署固原州請督師自効

籬菊開早而盛喜賦

園林逢歲閏籬菊得天和開占三秋早看貪百本多葩

奇霞共燦

有名紫霞杯者

葉淨雨初過欲向滿頭插空傷鬢影

皤

連得達官親友書有感

親友謂郭遠堂劉冰如沈幼丹也

梓邦舊侶半飛騰亂後緘書到竟能似喜辭官懷止足

兼憂聞寇恨填膺功名自厭陶彭澤身世誰憐杜少陵
欲寄報章愁道阻況圖情話接親朋

雨夕聞柝有感

寇警迫邊城城頭夜柝行秋風方永夕涼雨況殘更樓
櫓荒寒色閭閻守望情汾陽今代有同紇幾時平

曉枕不寐口占

秋城伏枕歎南冠刁斗聲稀夜色闌九月繁霜明向曉
四郊積雪遠生寒關山久戍憐征騎嶺海懷歸憶釣竿
聞道官軍新棄甲不眠那得旅愁寬

時范參戎由清水
進軍遇伏棄餉械

以資賊

同氛日熾城守日益戒嚴率成志慨

久治渾忘亂居安孰慮危一夫狂攘臂萬井急燃眉古

郡雄天水方州接隴岐不圖他族迫竟向此邦窺歧徑

關山越姦民里落彌

鳳翔起事後突有廢弁鐵姓領百餘川回由故關竄至清水張家川

之同遂起

揭竿時匪久伏莽勢潛滋幾處烟村陷連朝

而應焉

甫市月即聚二千餘人重九夕破弓門鎮頭又圍攻隴山鎮矣

花門方近境

星共登陴敵月嚴宵柝和霜捲曉旗官軍無足恃衆志

尙能持況說戎心狡須憑墨守奇中原紛戰地邊鄙老

師期胸鬱籌邊策腸迴紀事詩秋城頻看劒客餐欲成
絲

九月十六夜月光如畫三更忽復陰翳適讀韋詩
因次雨夜感懷元韻

華月行漢高低飛溼雲散步檐喜人定清氣我分半秋

冬今夕交

是夜子時交立冬節

俄頃陰晴換對景悟亂端沈憂耿

三歎

守堡行爲董仲履封翁作

併序

封翁性樸訥任俠不欺好遠游屢客青門金城

徧交其賢豪長者自恨少失學義方之訓不以
獨子而稍寬卒致游庠併爲納粟得官今秦州
訓導午橋廣文是也世居靜甯水洛城董家莊
今秋回變起封翁首倡守禦計任勞任怨衆咸
服其公且勤及隴山鎮被圍意嫌守具尙單馳
馬攜一孫冒險至秦州請得擡礮一尊鳥鎗若
干桿輒大喜復馳歸有挽留者應之曰余非爲
一身一家計也噫封翁老矣其志堅氣壯如是
今天下之將士能無聞而愧汗乎余嘉其意故

爲之歌而併志其概云

狐鳴鬼火潛護祠姦回構亂隴西陲張家川已破弓門
鎮復夷隴山孤城還被圍村氓相顧皆自危入保堡砦
聊支持聽命耆宿憑指麾就中賢者當數誰廣文封翁
男子奇素髮垂領逾古稀俠骨義膽衆所推修寨完堞
俾募粟餉援師爲覓火器思壯威突圍匹馬復南馳請
得槍礮心歡怡翩然遄歸不少遲吁嗟乎封翁此心天
當知激于義憤匪顧私封翁此舉世所希一老賢於良
有司我爲封翁歌此辭輶軒他日待採詩用愧天下文

恬武嬉而素尸

壬戌初冬奉 母夫人率次子兩孫暨大表弟爲
仇池之行以避回警途次聊吟短章用志行役
之概云爾

逆回烽警迫秦城生恐謗聞受震驚聞說仇池饒福地
入山親奉板輿行

日暮途嗟阮籍窮荒村止宿太倥傯破題一夜真堪笑

鴛被狐裘委馬通

廿二日極晚僅抵辛家
河宿于腳夫羸店中

扶攜老幼數郵程野店難期旅食精米飯菜羹供一飽

秦中僅見石襲城

僕馬山行力漸疲豈期暴客尙潛窺若教羅玉溝中住

比較宵征更險危

是日訛傳土賊窺伺因不住羅玉溝三更始抵魯家莊宿焉昏黑中彳亍

于危崖亂石閒其險殆不減盜賊云

登山喜值好晴陽行近天橋險異常

山脊橫亘數里左右皆深谷乃經行

最險處山中

遠近莊民迎護衆羊腸徑反似康莊

天橋以上

人目爲天橋路尤狹而陡幸壺山號召山衆率挽筇輿以登忘爲蜀道焉

避寇斯稱計萬全名山得到信前緣村居不乏兼無恐

盡仗汪劉地主賢

謂壺山抱一

登山後日夕與壺山盤桓傾吐肝膈因得悉其生

平豪俠之概賦此以贈

奇氣驚人五十年壺山姓字隴關傳談兵早歲輕孫武

司鐸方州傲鄭虔共道詩翁心是錦羣推草聖筆如椽

卽今學道偕仙侶洞主頭銜署玉泉

君能詩喜談兵曾署靈州學正南山

寺有東泉澄澈底一區君筆也

草堂勝境甲仇池經濟羅胸想見之文事偏能兼武備

居安未敢獨忘危社聯弓箭民遵約兵號壺盧寇畏威

從此名山無外侮桃源肯許老漁窺

山居日久合山上下十餘村民督辦

園練漸
有成效

芳名我久耳汪倫此日何期步後塵偶奉慈親思避地
得交良友許爲鄰山居大荷提攜力谷隱聊安事育身
佩德知非言可謝題詩紀實報同人

抱一弟性情恬退獨與壺山爲莫逆交廿年如一
日余忝附蘭盟共數晨夕心爲之醉因併贈短
律云

賢哉劉抱一恬淡任天真避世依良友居山養老親
原情倍篤驥子質皆純此樂逾軒冕家庭氣盎春

鍊形能不老
禮斗復推星
妙悟參同契
窮探道德經
丹鑑安石洞
符籙役山靈
一卷陰陽鏡
潛開造化局
鏡一書秘
不示人
若有陰陽

我獲新知樂君敦
古處風宇衡
鄰近接器皿
有無通作

合緣狂寇逢迎半
寓公相期貞
晚節甘苦此生同
山中避寇

者趙清若貢士父子
及西和汪王諸家

贈明陽子
併序

明陽子吳姓逢春
名成都刻工也專心所業因

精篆法兼通文義
客秦久曾爲余刊蕭公祠壁

記大雅堂詩版見其厚重樸誠不忍以俗匠目
之頃復遇於山中詢知晚年喪妻子坦然淡於
懷日手一編或濡毫作蠅頭小楷夜則跣足調
息運氣故筋力强固耳目聰明洵可謂耄而好
學藝也而進乎道矣壺山汪子畧迹忘形引爲
密契余兩賢之亦賦贈三絕云

蚪髯駘背鶴精神送老名山亦夙因游藝居然能入道
安民而後見斯人

便將梅鶴抵妻孥身外何須較有無我愛吳翁知此意

高風端合配林逋

探得義經道本原五千文字尙旁門明陽妙契壺山旨
脫畧形骸屏語言

憶儀鸞女

左思嬌女學吟能生小相依弱不勝乍別猶疑眠枕畔
夢回錯怪喚無膺

避寇辭家迫歲殘偏教弱質欲攜難都緣阿母身多病
累爾思爺淚不乾

山居感懷

豈真塵外癖煙霞不覺山居一月賒破屋但憑書遣日
深宵賸有夢還家浮生蹤迹風前籜亂世光陰隴畔麻
獨向客中重作客朝朝攬鏡鬢添華

仇池草堂歌爲壺山主人作

名山大川紀方輿洞天福地徵道書武都雄踞關隴脊
仇池奧闢西南隅杜老當年避胡警東柯同谷曾寄孥
茲山耳熟輒神往空思結屋茅未誅一千年後得汪子
嗜奇成癖輕崎嶇縋幽躡險屨扶策抉石薶草親揮鋤
徑爲少陵補遺憾依巖召匠營精廬胸中邱壑妙位置

眼底臺榭疑蓬壺更喜桐城爾康氏心游物外見不迂
大書特書草堂匾林巒生色成勝區

禮邑張少尹爲題
仇池草堂一額並

作跋數言
以贈焉

我來堅坐不忍去嵐光石氣盈衣裾聳身便

擬鶴鸞駕拍手還將猿猱呼浮生泉石昔空好佳境煙
霞今許居掉頭大笑語汪子卜鄰有德情匪孤況得劉
吳靜修侶登斯堂也皆我徒九原欲起浣花叟爲問白
雲送老應輸吾

題寥天一閣

天橋行盡度天門

取徑山石缺處志稱
爲天門正當閣之西

瞥見寥天一閣

尊便學漆園超化境肯同荆國滯爭墩下臨丹壑侔三
島高聳青冥接九閣真覺置身霄漢上好來倚檻弄朝
曦

題玉泉洞

幽棲得地難異境待人關我友汪壺山夙饒嗜奇癖仇

池營草堂選勝卜安宅橫劒屏前峰蹲獅展後壁

所居西對

劒山屋後巖石有如獅者

勤奉黃庭經期登紫府籍自我開洞天募

工鑿巖石熾炭還沃醯剝膚漸穿腋雲構外相連月窗

中不隔

洞口爲月門門外接構小榭

穴竇疑窺牖

洞左復穴入爲一小洞中可坐五六

人叩扃誤捫碣

洞前後戶雖亦木門而作碑碣之形象銘於其上

人巧徵匠心

天成訝神力道書讀謨觴玉女當進食山靈亦効靈更

遣醴泉溢引流曲再盤穿井深盈尺復導行地中龍口

濤噴激

洞後泉出石縫琢地如筭注圓井又爲暗溝引出下流洞外小池不啻聽田水聲也試取

一瓢飲其甘同玉液福地標附庸嘉名從肇錫

中立一碣曰仇

池附庸

憶我宦春明曾振西山策瓊漿漱齒寒陡覺塵襟

滌竭來牧天水道觀訪城北觀水蒼聖祠爲霖愧甘澤

秦州有一井在城北山上蒼頡廟中

茲行快得三鼎足信堪敵廉讓儻許

居願言學穀辟

山居大雪

天外同雲壓野低，千巖鋪白失東西。
寒威侵研呵猶泐，曉色生窗辨欲迷。
此地飛花眩銀海，有人詠絮悵金閨。
不圖待漏朝天客，卻向空山印雪泥。

登村東高坡作借用蘇句爲發端

山中信美少曠平，四面樓櫓皆削成。

成縣志稱四面壁立自然有樓櫓卻

敵之狀

居人築室傍山脊，高低敲側開柴荆。我來逾月值

冬序，杖藜欲出愁澗阮。今朝風日信和燠，強學登壘隨
村氓聚足。卻輸鹿麋捷矯身，欲與猿猱爭渾疑腳底湧。

雲氣但覺耳畔來風聲崖腰遙凝凍瀑白鳥背下視斜

陽明亂山圍繞迷向背茫茫何處秦州城滯秦昔飛海

東夢去秦今繫渭北情鴻飛雖冥未盡室

時餘眷尙多在秦 狼

暴方肆空連營

李副戎屯於隴山廢堡無水而敗楊鎮大兵駐隴城前月二十晚被劫大潰皆

爲賊所愚其畏死尋國情形直令人背裂

當局自嗟時事劇旁觀誰識愁緒

縈凜不可留步歸緩候門稚子羣歡迎

歲晚書懷

併引

避喧殘臘遯迹荒村恍同逆旅之棲無復新年

之樂撫今追昔厯念生平不覺長言屢形疊韻

覽者亦憫其遇而諒其情勿嗤爲無病而呻已耳

不嫌華屋易村居節物驚心寤歎餘餽臘出牛春已入
十七日立春 流年奔馬歲將除萱堂酒勉屠蘇晉蓬戶符牖
鬱壘書道是履端渾不似追維往事悵飈車

試從稚齒憶家居混迹商廛罷讀餘玉燭敢言期變理

珠盤聊解較乘除

少時每散學卽佐油蠟鋪清理帳目

雪中良友約談弈

歲杪故家容借書爲逐浮名辭梓里掉頭卻悔上公車
通籍京華僦屋居欣逢粉署篆封餘餐錢日盼頒金部

戶部堂司官例分

方物時看貢

玉除

年終至大內得見各督撫織造

各直省飯食銀

關差及外藩屬國

蟻綠臘醅邀客醉猩紅春帖倩人書

貢物滿目琳琅

廿年不忘觚棱戀猶夢朝元過闕車

一行作吏少端居改歲官閒樂有餘鉢擎催吟爭敏捷

在首邑常約諸同人爲詩鐘之會

圖披采選競遷除

升官圖卽古采選遺意每與幕僚爲

此歡聲每入躋堂酌吉語頻緘遠道書今日真無卓錫

地寄聲賀客漫停車

底事槃邁賦索居爲傳烽警寇深餘林泉僻寂春仍到

草澤猖狂蔓孰除節候借看新歲紀

欲觀新時憲書不可得僅假於劉宅

親朋盼斷故園書吟成徑欲呼如願願早教迴阮籍車

山居雜詠

併引

人生所接物態不齊偶爾會心斐然成詠其閒
有實徵諸境者有虛寓以情者或借觀乎世故
或默感乎余懷信筆直書匪計工拙閱時甫錄
莫分後先故蔽之以雜云

石洞深三折褰裳水氣腥境因無客闔山以有龍靈

山龍

山後一洞志云深入三層水滿其中禱雨
龍神屢著異驗劉抱一曾兩至爲余言信然

丙穴清明近山人也足魚試將通應比風味可能如

山魚

秦川焚餘草卷五

三

山根一石穴每清明前後有魚流出
口甚小魚畧巨者輒被損傷味定減也

催歸同喚起禽語識昏晨未暝先投樹山鴉蠢甚人鴉

山居值陰晦以鴉歸
卽晚餐而天尙未暝

漫學靚三窟真成貉一邱山狐千歲白好集腋成裘

古稱狐千歲色方白玉泉洞
旁乃有夜出搜雞者人多見之

五色擅長鳴羈人畏惡聲山雞偏攪夢觸我辟兵情

昔人以早鳴謂
爲荒雞多主兵荒

警夜仗韓盧深山犬性殊柴門方午吠豈有質絲夫

每負販者日中來村犬
卽吠噪聒耳殊不可耐

鴛粟彌山種餘花不當春牡丹時世好也被斫為薪花

山田亦多栽鴛粟而樵擔上迎春薔薇皆是雖野牡丹亦不免焉

小草心慵出寒山幾燒痕君看蘭與蕙那肯植當門

山草

山中亦有蘭叢生石上僻在一隅土人不知貴也

山田高且陡禾稼欠豐穰費盡人牛力朱門飽獲臧

山禾

山溝削壁皆墾為田幾無措足處而公私租息取盈農焉不困

樹小壤多礲山寒葉不凋縱無松柏性晚節亦堪標

山樹

山土石互戴樹不易長然如青桐鐵抱之類歲晚長青亦後凋之選歟

信來詢知寓邸蠟梅盛開詩以憶之

寄廬列羣卉漏春先蠟梅信昨發天水問之花已開憶
從徙新宅三見綠萼胎前年不得地陽暉苦難回去歲
天酷寒凍蕊零紫苔今冬滿人望淑氣枝頭催而我入
山住對雪空徘徊反不如厥初瓶插還盆栽天水舊無此花戊午
始供一折枝已未購得一盆庚申移植新居南檐日新
光不到辛酉改後院向陽處又值嚴寒皆蕊而不花
吟遜舊詠白戰知非才憶花兼憶家別恨紛莫裁巡檐
期再臘索笑吾歸來

歲將除矣禮邑劉鑑水大令枉使惠書兼餉多珍
書後附詩以謝

明朝見說是除夕秦郎妻孥悵離隔正思往事話春明
饋歲曾分大官食忽聞鄰舍雞犬喧疑是催租吏打門
開緘乃拜使君賜旨甘佐我壽慈護廩人繼粟庖繼肉
垂橐傾筐塞破屋老夫啜茗孫含飴橘柚柑梨數更僕
感君物重意非輕況復遠道馳專伾方今交態異窮達
故人何乃無世情我愧豬肝累安邑廉泉幸勿重波及
作書報謝詩又成翹首雲天負節立

陰晦旬餘午後忽開霽知除夕元旦氣象一新矣

因成短律志快

無計留殘歲相看愛晚晴薄雲斜日漏積雪亂山明遲
暮心多感荒寒景倍清仍愁泥滑滑礙我曲坡行

元旦口占

春色到槃邁幽居足寤歌積陰開歲首麗日光時和魯
酒鄰爭餉黃柑我獨嗟遙憐城市裏車馬幾經過

短髮日衰白昨見雍落者漸復黑喜賦

疏慵到我非難老憂患傷人沉飽經祇道此頭無可白
豈知今日又能青翠嚴漸漸融春雪碧漢離離點曉星
恰似吾衰雙鬢影鏡中喜見舊時形

五日玉泉洞招飲紀席閒所見

入春五日漸暄妍小飲扶筇赴玉泉自愧人非陶靖節
故應風景勝斜川

黑雲山外隱雷聲雪乍紛飛日又明世態人情渾似此
天公藍本學初成

前成短髮復黑詩覺一律未盡所欲言因續賦長
古見意

醫言髮乃血之餘三更不睡心血枯我生日與憂患俱
精髓焉得榮肌膚骨相始賦原清癯遭逢歷數尤艱虞

郎署薪米炊桂珠外僚魚鳥羈網斂椿庭永隔鯉莫趨
荆砌忽萎鴿空呼每連宵旦炯瞳矐坐令霜雪盈頭顱
溯從謝事屏簿書沈疴不待起扁盧正欣鷗鷺羣菰蒲
又苦犬羊嘯萑苻旅懷永夕增鬱紆如銀鬢影復蕭疏
因思避地仇池居親奉慈竹攜孫雛山棲屋陋食糲麤
身閒心泰天爲徒日高睡足興徐徐種種頓與星星殊
攬鏡失喜仍長吁少年一失歲月徂男兒報國徒區區
區殺賊力難援鼓桴縱還黑頭無壯圖滿腔熱血灑何
途尙恨未能敝屣視妻孥不然披髮入山隨耕夫置我

黑甜鄉裏栩栩而遽遽

壺山赴托凝如刺史之招留秦帶領練勇書以促
其歸並題數絕於後

書生仗劍賦從戎盾墨懸知草檄工上下馬兼文武事
肯容傅永獨稱雄

縱饒勲業繪雲臺卻誤黃芽鼎結胎寄語莫教猿鶴怨

木蓮花發好歸來

山中有辛夷五
株皆呼爲木蓮

深山旅泊喜芳鄰索處逢春不見春回首故居君合悔
悔拋青嶂入紅塵

揮戈軍令無前卻投杼人言有是非須識抽薪方止沸
何如拂袖徑遄歸

新正頻赴汪劉趙諸宅春筵頗形酒困頃村鄰復
招飲謝卻之餘因憶杜老有社日遭田父泥飲
詩想見昔賢曠達之懷去人遠矣賦此以志愧

草萌麥茁春風顛先生拄杖無酒錢朋舊相邀啓春甕
扶歸宿醉貪晝眠今晨剝啄來野老遜說杯盤殊草草
休嫌村舍家釀醕願官一潤詩腸燥我辭野老還自尤
夷陋可居海可浮瓦盆取醉同玉斚裸國何必衣冠游

少陵昔出逢社酒泥飲屢遭田父肘未能作達我見存
一笑哦詩謝鄰叟

讀遂初堂集題後

吳江潘耒
字次耕著

堂標初服遂集富錦囊吟十嶽游蹤遠三唐結響沈宏

詞留閣草

鴻博召試體仁閣列二等二名

碩學本亭林秘授兼神悟

成書續類音

著述名山富弓旌遠道來布衣膺盛典貝錦忌奇才二

氏言多契三長史有裁卒成班固志稍減鵲鵠哀

兄樗
章長

於史學後以他私史事波及見法君承伯氏家學在史
館獨司食貨志成五朝史稿並由成所贖兩姪以歸

山村元夕紀事

荒墳影徧燈毬閃空谷聲遙爆竹傳城裏正當多事日

山中猶似太平年

除夕元宵各家在祖塋林中挂燈放礮

淵鏗伐鼓閒攄金魚貫燈光繞遠林爲向峯頭龍伯廟

齊祈百穀禱甘霖

村人夜以鼓吹迎龍神環行四山謂之轉燈

神絃舊製送迎詞新樣秧歌唱竹枝似聽蔡中郎故事

登場也學演傳奇

聖朝不禁虎貓迎飲蜡驅儺禮意精老去觀鄉通古制

信知王道本人情

午晴劉寶亭布衣趙清若貢士邀往山東看木蓮

未開因登高處縱眺

游侶快春晴穿畦蔦澗輕東風迎面暖西嶺決眸明

晴明

望西高山村舍歷歷可數

小試尋花約翻成採藥行

沿途擷草卉各辨可入藥作蔬

君看樓櫓突削壁儼方城

四山外望皆千尋石壁每一峯輒突出相向志所稱天然

二十四樓櫓信不誣也

木蓮花五樹叢生蓓蕾逾千朵開時色豔可翫香

烈可聞先賦此以速花神

木筆千頭未坼葩連根分幹五株斜桂森錯認燕山樹

柳拂疑過栗里家
染翰碑應書碧落
題詩箋合展紅霞
放翁句向花神誦
爲我先開第一花

聞警

正月廿二晚 自上元西和鹽關同變起後
頃復傳石家關聚匪千餘賈客棄貲逃走莊

民皆連
夜上堡

如水訛言至成城
衆志虛姦回羣梗
化良賈失安居官
道鴟張甚村疇虎
視餘紛紛遷堡砦
往往罷場墟我向
仇池住人誇福地
如一夫雖足守百
密尙妨疏安得循
良吏同登康樂書
鶚音應自革鶻種
詎全鋤

登將臺懷古

最高峯土坪盈堵旁穿石孔深數
寸相傳乃楊曾拜將舊插旗處

振衣直上最高岡，灝氣天風接入荒。
笏拱週遭千嶂矗，帶圍大小兩河長。
山足兩河環繞西合，鐵索橋俗名大小河。
仙山險絕雄秦隴，霸業銷餘閱晉唐。
想像楊氏推轂地，祇今衰草下牛羊。

山居大雪

瓊瑤破曉擁山蹊，昨夜天鷲鍛羽齊。
密灑蕨芽肥玉筍，濃封柳眼損金篦。
高枝凍合疑拳鶴，怪石光搖認跪羝。
四野村墟遙影辨，千巖樵徑近蹤迷。
同雲湧合猶鋪海，微霰先零漸作泥。
何處清吟乘蹇衛，有人高臥閉幽棲。

寒消綠酒思開甕暖入青袍憶贈綈真覺撒鹽形莫擬
懸知說餅價應低占豐恰喜春三白沛澤差強雨一犁
我欲徑呼滕六去秦川共慰望雲霓

秦州聞
方苦旱

憶壺山時在州帶勇聞寓南郭寺

南郭古精藍游蹤我舊諳故人今獨住清景共誰探
春色關西滿妖氛渭北含枕戈期早捷何日返征驂

托凝如刺史督帶練勇赴秦安勦賊中槍陣亡詩

以哭之

無端同紇擾潢池良牧知兵仗撫綏前度寇恂民喜借

此邦龔遂賊愁支

己未先權州篆商民赴省請留及再任卽募練壯勇爲防堵計賊甚憚先

聲

焉肯容吾土滋他族

山中得來書有誓不與賊共立茲土之語竟成讖云

自練孤

軍選健兒甫報犁巢身遽殞飛來火器豈人施

聞方督戰額上

烈中鎗子且左右無一傷亡豈非天數

急信傳來噩耗凶哭君不識涕何從揚威轉戰蘇民困

誓死前驅犯寇鋒馬革終酬豪士願羊頭空說列侯封

飾終自有

熙朝典祠蔭

恩綸定渥濃

節壯才高世共驚品端行粹我尤傾采蘭色養酬烏哺

舞象髫齡賦鹿鳴二弟齊馳長白譽千秋永播汗青名

不遺故舊憐文士推解彌多義俠聲

十五登賢書性孝友兩弟皆援例縣

令故友孤嫠多蒙存卹所至尤留意振拔寒賤

茫茫宦海幾同心日下初逢快盍簪作吏迹兼三地共

余所厯環縣皋蘭秦州君皆踵其後

論交情憶廿年深問天有恨傷埋玉

入地何人與點金

生平喜揮霍

爲祝孤忠昌厥後早聞鳴鶴

和山陰

一子已將冠當能繼志也

秦牧云亡方州無主文武紳耆合詞懇觀察請於

大府檄余承乏自揣衰庸莫勝艱鉅且奉母入

山初心謂何詎容捨去耶報書辭卻兼作長歌

旌旆無光鼓聲死將星昨夜墜成紀愁煞五城十萬家
一朝頓失泰山倚篙師孰授中流壺國手難收殘局子
馳書飛檄到仇池謂余合爲蒼生起顧余鴛拙衰病身
力難辦賊胡保民公帑私藏已虞罄進勦退守皆患貧
搏虎縱思學馮婦畫蛇深恐嗤舍人不然作牧經五春
久矣寄孥依四鄰櫻城兼可衛家室袖手毋乃傷厥仁
也知恩誼兩全美幾度欲歸復中止半生名節何足論
萬姓安危敢輕視況茲微服隨板輿詎忍絕裾缺甘旨
揮戈空羨魯陽豪捧檄匪同毛義喜寄聲父老謝寅僚

言不由衷如渭水吁嗟乎心輕馬革誠壯夫命等鴻毛
豈奇士人生寒疾不汗亦喪軀何若死作國殤稱雄鬼
君不見明季江陰閻典史

東山辛夷盛開復同趙劉往看

辛夷隴外稀經見兩度尋芳春尙欠今朝簇簇發高枝
空山省識東風面東風二月漸狂顛千跼萬萼爭暄妍
絳雪頰霞綃佳麗斜暉荒谷窺嬋娟老榦擎雲根抱砥
高標羞煞閒桃李含芬不減雞舌香照影卻思鴨頭水
先開半委驚客心客中倍惜好光陰載酒徑宜席地賞

擘箋更擬臨風吟不辭吟賞鎮相向福地名花難久傍
移根儻許歸寓廬長學香山南宅訪

西山別一株樹穉花稀而大一昨往看中道艱於
行僅命僕折巨枝供瓶中

厭看紫姹愛紅嫣

色極紅鮮較東山紫者尤豔

西崦崎嶇悵莫前未

老樹能蓓蕾大最高枝解作花先渾疑麗質調金粉不
愧嘉名錫木蓮小折更饒昕夕玩安排瓦缶注清泉

題無根水

山東之半道旁一巨石前俯後仰界高低處一小穴泉出焉不溢不竭俗呼無

根水

不盈不涸在山清觀水心期詠濯纓喚作無根原有本
我來欲與錫嘉名

巨石陂陀小穴圓中空如盎滿寒泉家山夢繞鴉池水
掃葉煎茶憶卯年榕城烏石山頂一巨石中微窪如掌圍尺餘深寸許甘泉出焉余少時讀書山足夏日嘗攜茶具登山就品志稱爲浴鴉池

題巖居

村東南有王姓避寇於大懸巖下結屋居焉就索茗飲而歸

牆橫黃土瓦鋪松舊說巖扉今果逢
桮架天然青嶂設
筆門倏爾白雲封
寒生石氣宜銷夏
暖入嵐蒸可禦冬
更羨乳泉牀下汲
飲茶得句紀游蹤

西高山長數十里各村民因避回亂多移藏山陰
巖穴閒眺望之餘成數絕以志其異

山腰幾縷起炊煙陡絕中藏屋數椽直與鹿麋游世外
但聞雞犬吠雲邊

幽邑耆農多穴處湘溪野老慣巢居若爲避地移家計
較此巖棲定不如

斲石誅茅敢告勞神仙洞府奏雲璈杜陵舊句堪持贈
信是懸巖置屋牢

石竇谿衍吞短榻峰端另削俯層檐雞棲豚柵牛羊屋

架棧模坏著處添

仰看削壁疑無路行近危峯恍得村婦子團園門徑僻
鑿空何必羨桃源

喜雨

霖霖春宵雨如膏下尺深四山方望澤三日恰爲霖雲
氣奔平壟嵐光潤遠林倚檐瞻麥秀一飽慰農心

山中桃杏盛開阻雨經旬未出

文杏爭春鬧天桃帶雨濃空聞花信近翻遣客心懣苦
霧憎圍幕愁霖滯曳筇明朝晴可卜嘯侶補游蹤

晴後偶步山南書所見

三月三日

意行無遠近野趣豁吟眸
礙石松鱗瘦含風麥浪柔
稜田開疊巘老屋俯深溝
忽遣懷陳迹今朝禊事修

十年前癸

丑在州仿
山陰之游

壺山歸山喜賦

前度送君日朔風吹雪花
今朝迎客處春雨茁楊芽
聚散蹤何定行藏念莫差
吟成反招隱好共老煙霞

井河壩看棠梨

幾樹棠梨豔曉暉
吟看綠暗惜紅稀
含苞誰買胭脂染

落瓣翻同玉雨飛綴滿長條猜杏別攢多密葉認桃非
莫嫌窮谷春光晚首夏春光尙未歸

山中多野牡丹皆白色瓣雖單而朵甚大折供瓦
瓶亦林居清玩也

縞衣獨立自清華信是人閒第一花堪笑村僧饕餮甚

三春喫盡魏姚芽

村氓多採
蕊以代蔬

姑射冰肌玉女魂膽瓶折供對忘言移根我欲栽池館
奕葉誰能計子孫

前詩未足以狀嘉卉詩話有謂詠牡丹非國色天

香不可因復戲成一律

玉立亭亭冠衆芳
漫誇魏紫與姚黃
香清合作諸天供
色淡非同虢國妝
坦白襟懷宜富貴
高華骨格凜冰霜
東皇九錫新承寵
別錫頭銜署素王

初至山南村紀游

有約南村欲訪頻
吟筇今喜趁殘春
問途五里程非遠
命侶三人意自親
每游眺多與趙劉二友俱
鵲穴晝暄雛學語
麋田雨足麥懷新
不辭履迹荒山徧
野草閒花得趣真

異境初逢耳目新
林巒拱翼屋差鱗
巖泉注隙無停晷

石棧凌空可駭人

泉出高巖下滴圓井汲者限於削壁嵌大石爲棧道丈餘翼以短欄下視

眩目山谷直將園囿視性情漸與鶴猿親封姨堅我重來

意未許琳宮遽問津

謂山南道院

由將臺取道樵徑下經玉泉洞復循行山腰陡狹

處至麻柳灣觀大懸巖

前後需人與挽推身輕如鳥破空來峰腰徑窄縈紆度

石腹巖高軼蕩開

巖高廣可容百人

柳葉異形殘斧鑿

以葉如麻得名

墾田砍伐殆盡

藥苗多品沒蒿萊千金竟負垂堂戒性習潛移

信易哉

初至山時不敢涉險一步

游山南小道院

山脈起西北將臺最高峯迤東南旁多崖谷至下馬頭獨衍爲長梁

約五里許抵道院乃山結穴處也下視尙數百仞然

到此峯迴信有情天風恍送步虛聲人疑黃鵠磯頭立
路似蒼龍嶺上行二水環流成巨壑四山高拱儼方城
不須更向金仙禮物外逍遙學耦耕

秦川焚餘草卷五終